

DECOCTA.

263

Herbæ Gentiana-Centaurei drachmas
duas.

Foliorum Juniperus-Sabinæ drachmam
unam.

Cerevisiæ tenuis novæ libras octo.

Macerasine calore per quadriduum et cola.

Usus : Paralysis ; amenorrhœa ; chlorosis.

DECOCTA.

DECOCTUM ALBUM.

℞. Rasuræ Cornu Cervi unciam unam.

Gummi Mimosæ Niloticæ drachmas
duas.

Aquæ libras tres.

Coque ad colaturam librarum duarum.

Interdum additur

Vel Alcoholis Cinnamomi uncia una.

Vel Nitratis potassæ drachma una—duæ.

Bibat ad libitum.

Usus : Diarrhœa ; dysenteria ; variola ; ru-
beola.

DECOCTUM ADSTRINGENS.

℞. Corticis Quercus-Roboris,
 ——— Fructus Punica-Granati,
 Radicis Tormentillæ erectæ ana drach-
 mas duas.

Aquæ ,

Lactis ana libram unam.

Coque per quadrantem horæ et sub finem
 coctionis adde

Corticis Laurus-Cinnamomi drachmas
 duas.

Cola.

Usus : Diarrhœa ; Blennorrhœa.

NB. Omittendo cinnamomum egregie
 quoque servit pro enemate aut injectione.

Dosis : Unciæ duæ , ter quaterve de die.

DECOCTUM FLORUM ARNICÆ.

℞. Florum Arnicæ montanæ unciam unam.

Coque vase clauso in

Aquæ libris tribus.

Colaturæ librarum duarum adde

Syrupi Zingiberis (vel Cinnamomi) un-
 cias duas.

Sumat uncias tres omni bihorio.

Interdum sub finem coctionis additur,
urgente diarrhœa,

Radiciſ Arnicæ montanæ uncia una.

Usus: Blechropyræ species variæ; paralysis; aponia; arthrodynia rheumatica; ischuria paralytica; contusura seu ecchymoma ex lapsu. (Præmisso pro re nata emetico vel cathartico. STOLL).

NB. Si cardialgia inde oritur, dosi minori sed frequentius exhibendum.

DECOCTUM ANTHELMINTHICUM.

℞. Corticis Geoffroyæ inermis (vel Surinamensis) pulv. unciam unam.

Aquæ libras duas.

Coque ad colaturam libræ unius.

Usus: Ascarides; lumbrici.

Dosis: Uncia una omni hora, donec alvum movere incipiat.

DECOCTUM ANTICACHECTICUM.

℞. Radicis et foliorum recentium Cichorium-

Intybi,

Radicis et foliorum Rumex-Acetosæ,
 ————— Fragaria-Vescae,
 ————— Centaurea-calci-trappæ,
 ————— Violæ odoratæ,
 Florum Nymphææ albæ ana unciam
 unam*.

Petalorum Rosæ Gallicæ uncias duas.
 Radicis Parietariæ officinalis unciam
 semis.

Aquæ libras duodecim.

Coque ad libras octo in vase terreo vernice
 obducto, colaturæ fervidæ adde

Foliorum Cassia-Sennæ uncias quatuor.
 Seminum Pimpinella-Anisi pulv.

Nitratis potassæ fusi ana unciam semis.

Stent in infusione calida per viginti
 quatuor horas; dein cola et in loco frigido
 in vasis probe clausis usui serva.

* Si plantæ mox dictæ recentes haberi
 non possunt, siccatarum ana drachmæ tres
 adhibendæ.

Usus : Dysuria ; ischuria ; dolor lumbo-
 rum chronicus ; tumores frigidi ; syphilis
 rebellis ; scrophula ; morbi cutis chronici ;

morbi ubi lympha attenuanda et corrigenda est.

Dosis: Unciæ octo jejune per quadriduum; deinde omni secundo die per viginti quatuor dies. Si temperamentum ægri robustum est, unciæ decem — duodecim pro dosi sumendæ. — Si morbus inveteratus aut rebellis sit, vesperi ante decubitum, loco mane, exhibeatur.

NB. Hoc decoctum ut remedium efficax, in India orientali adhiberi didici.

DECOCTUM CINCHONÆ.

℞. Corticis Cinchonæ officinalis pulv. unciâs duas.

Aquæ libras duas.

Coque vase clauso per quadrantem horæ, et liquorem calidum per subsidentium modice depuratum, non filtratum, effunde pro usu.

Interdum additur sub finem coctionis

Vel extracti radicis Glycyrrhizæ glabræ unciâ semis.

Vel corticis Laurus-Cassie unciâ una.

Usus : Asthenia nervosa et arteriosa ; dialeipyræ ; morbi ex salibus et oxydis metallicis , præcipue stibii et hydrargyri.

Dosis : Unciæ duæ quarta vel sexta quaque hora.

Interdum adduntur singulis dosibus decocti

Vel acetatis ammoniacæ liquidi uncia semis.

Vel acetatis potassæ drachma semis.

Vel alcoholis drachma una—duæ.

Vel alcoholis ammoniacati guttæ quadraginta.

Vel carbonatis potassæ liquidi guttæ triginta.

Vel extracti corticis Cinchonæ officinalis drachma semis.

Vel Electuarii aromatici grana viginti.

Vel Electuarii cardiaci grana viginti.

Vel Radicis Rhei palmati grana tria.

Vel Radicis Valerianæ officinalis drachma semis.

Vel Tincturæ Corticis Cinchonæ officinalis
drachma una.

Vel Tincturæ gummi-resinæ Guajaci offi-
cinalis guttæ quadraginta.

Vel Tincturæ Lavandulæ compositæ drach-
ma una.

Vel Ætheris alcoholisati guttæ duodecim.

Vel Tincturæ Sedativæ guttæ tres—sex.

DECOCTUM CINCHONÆ CARDIACUM.

℞. Corticis Cinchonæ officinalis pulv. uncias
duas.

Aquæ libras duas.

Coque per quadrantem horæ, sub finem
coctionis adde

Radicis Aristolochia-Serpentariæ (vel
radicis Dorstenia-Contrayervæ) un-
ciam unam.

Digere per horam et cola.

Usus: Blechropyra petechialis; dialeipyrae
magna debilitate stipatae.

Dosis: Unciæ duæ omni secunda, quarta,
aut sexta hora.

DECOCTUM CINCHONÆ CUM VALERIANA.

℞. Corticis Cinchonæ officinalis pulv. uncias tres.

Aquæ libras duas.

Coque per quadrantem horæ; sub finem coctionis adde

Radiciis Valerianæ officinalis pulv. unciam unam.

Digere per horam vase clauso; dein colaturæ admisce

Tincturæ Lavandulæ compositæ unciam unam.

Usus: Morbi spasmodici.

Dosis: Unciæ duæ—tres, sæpius de die.

DECOCTUM DULCAMARÆ.

℞. Stipitum Solanum-Dulcamaræ unciam semis—ad uncias duas.

Aquæ libras tres.

Coque ad colaturam librarum duarum.

Usus: Morbi cutis; Syphilis? arthrodynia; dyslochia; amenorrhœa; icterus.

Dosis: Libra una cum vel sine lacte, quotidie.

DECOCTUM DRUPÆ JUGLANDIS REGIÆ.

℞. Drupæ immaturæ, seu Corticis viridis
Nucis Juglandis regiæ siccati et con-
tusi libram unam.

Radicis Smilax-Sarsaparillæ,

—— Smilax-Chinæ ana uncias duas.

Sulfureti Stibii nigri pulv. et in nodulo
ligati uncias quatuor.

Lapidis pumicis pulv. et in nodulo ligati
uncias duas.

Concisa et mixta coque in

Aquæ libris viginti,

Ad colaturam librarum decem.

Usus : Syphilis rebellis; lepra; herpes.
Externus pro lotionē.

Dosis : Libra una mane, et libra una ves-
peri tepide.

DECOCTUM PRO ENEMATE.

℞. Foliorum Malvæ rotunfoliæ unciam
unam.

Florum Matricaria-Chamomillæ unciam
semis.

Aquæ libram unam semis.

Coque ad colaturam libræ unius.

DECOCTUM FOLIORUM AMYGDALI
PERSICÆ.

℞. Foliorum Amygdali Persicæ siccatorum
unciam unam.

Aquæ libras duas.

Coque ad colaturam libræ unius cum
dimidia.

Usus : Hæmaturia ; dysuria ; nephritis.

Dosis : Libra una de die.

DECOCTUM GUAJACI.

℞. Rasuræ ligni cum cortice Guajaci officinalis uncias octo.

Radici Glycyrrhizæ glabræ incisæ uncias duas.

Coque in

Aquæ libris sedecim,

Ad colaturam librarum octo.

Sub finem coctionis adde

Seminum Coriandi sativi contusorum
unciam semis.

Usus : Syphilis.

Dosis : Libra semis, ter quaterve die.

DECOCTUM HÆMATOXYLI.

℞. Rasuræ ligni Hæmatoxyli Campechensis
uncias duas.

Aquæ libras duas.

Coque ad colaturam libræ unius.

Interdum adduntur

Tincturæ gummi-resinæ Kino uncia una.

———— Sedatiyæ guttæ triginta.

Usus : Diarrhœa, et dysenteria chronica;
Blennorrhagia recti cum tenesmo (vulgo
Fluxus coeliacus); hæmorrhagiæ, præ-
missis præmittendis.

Dosis : unciæ duæ, omni quadrihorio vel
sæpius.

DECOCTUM HORDEI.

℞. Seminis Hordei distichi perlati uncias
duas.

Heterogenea, præcipue farinam, hor-
deo adhærentia aqua frigida primo ablue;
dein hordeum cum aquæ libra semis ali-
quantulum coque ut materia colorans ex-
trahatur, qua abjecta hordeo ita purificato
adde

Aquæ libras quinque.
 Coque ad libras duas cum dimidia;
 Dein effuso decocto adde
 Oxymellis (vel Mellis aut Sacchari)
 uncias duas.

Usus pro potu ordinario in morbis acutis.

DECOCTUM HORDEI COMPOSITUM.

℞. Seminis Hordei distichi,
 Fructuum Ficus-Caricæ,
 Fructuum Vitis Apyrenæ siccatorum,
 ana uncias duas.

Aquæ libras quatuor.

Coque ad colaturam librarum duarum.

Usus: Febres acutæ; catharrhus; dysuria,
 stranguria.

DECOCTUM JUNIPERI.

℞. Summitatum Juniperi communis uncias
 tres.

Aquæ libras quatuor.

Coque ad libras duas, sub finem coctionis
 adde

Baccarum Juniperi communis unciam
 unam.

Cola.

Usus : Hydrops; asthma; morbi cutis.

Dosis : Unciæ quatuor—octo, ter die.

DECOCTUM LICHENIS ISLANDICI.

℞. Lichenis Islandici unciam semis—unam.

Aquæ libras duas.

Coque ad colaturam libræ unius, cui adde pro re nata,

Mellis (vel Sacchari) unciam unam.

Usus cum vel sine lacte : Tabes seminalis ;
phthisis pituitosa ; leucorrhœa ; morbi
pulmonum atonici ; pertussis.

Dosis : Unciæ quatuor, ter quaterve de die.

DECOCTUM LICHENIS CUM POLYGALA.

℞. Lichenis Islandici unciam semis.

Radicis Polygalæ amaræ unciam unam.

Coque in

Aquæ libris tribus,

Ad colaturam librarum duarum.

Usus : Morbi pulmonum atonici, ubi simul
expectoratio præmovenda est.

DECOCTUM MALTI.

℞. Malti (id est , Semina Hordei distichi
 aqua humectata , dein accumulata ut
 tepescant et germinent , et tunc demum
 subito siccata) in molendina fracti
 uncias sex.

Aquæ libras quinque.

Coque ad colaturam librarum quatuor,
 cui adde

Syrupi Acidi citrici uncias quatuor.

Usus pro potu ordinario in scorbuto.

DECOCTUM AD METRORRHAGIAM
 (SEPTALII.)

℞. Corticum fructus Citrus-aurantii Sevi-
 liensis subviridis n° tres.

Aquæ libras sex.

Coque ad libras duas et cola.

Dosis : Unciæ tres, ter quaterve de die ;
 addendo singulæ dosi

Acidi sulfurici alcoholisati guttas octo.

DECOCTUM MEZEREI.

℞. Corticis radicis Daphne-Mezerei recentis
drachmas duas.

Aquæ libras tres.
Coque ad colaturam librarum duarum ;
sub finem coctionis adde

Radici Glycyrrhizæ glabræ unciam se-
mis.

Usus : Morbi ossium et cutis syphilitici
rebelles. *Externus forma cataplasmaticis*
vel *fritus* : Orchiocele ; scirrhus ; lepra.

Dosis : Libra dimidia , bis aut quater de die.

DECOCTUM PAREIRÆ.

℞. Radicis Cissampelos-Pareiræ pulv. un-
ciam unam.

Aquæ libras duas.

Coque ad colaturam libræ unius.

Usus : Morbi pulmonum et præcipue renum
pituïtosi ; dysuria ; ischuria ; morbi ex
sabulo viarum urinarum ; icterus.

Dosis : Unciæ tres , ter de die.

DECOCTUM PECTORALE.

℞. Herbæ Glecomatis hederaceæ,
 ——— Tussilago-Farfaræ,
 Radicis Glycyrrhizæ glabræ ana un-
 cias duas.

Radicis Inula-Helenii unciam unam.

Aquæ libras novem.

Coque ad colaturam librarum octo.

Usus : Tussis catharrhalis ; phthisis pi-
 tuitosa ; morbi pulmonum atonici.

Dosis : Unciæ quatuor sæpius de die.

Vel :

℞. Herbæ Tussilago-Farfaræ,
 ——— Veronicæ officinalis ana unciam
 unam.

Radicis Polygalæ amaræ uncias duas.

Aquæ libras tres.

Coque ad colaturam librarum duarum.

Usus : Phthisis pulmonalis.

Dosis : Unciæ tres—quatuor cum saccharo
 aut melle sæpius de die.

DECOCTUM POLYGALA-SENEGÆ.

℞. Radicis Polygala-Senegæ contusæ unciam unam.

Aquæ libras duas.

Coque ad libram unam, et colaturæ adde Syrupi simplicis unciam unam.

Usus : Morbi pulmonum pituitosi ; arthrodynia ; hydrops.

Dosis : Unciæ duæ, bis die ; vel pro re nata, uncia semis omni hora, donec alvum movere incipiat.

DECOCTUM RUBIÆ.

℞. Radicis Rubiæ tinctorum unciam unam.

Involucris reticularis nucleis Nucis Myristicæ moschatae drachmas duas.

Aquæ libras tres.

Coque ad libras duas et colaturæ adde

Tincturæ aromaticæ drachmas duas.

Syrupi acidi citrici uncias duas.

Usus : Morbi pulmonum, hepatis, aliorumque viscerum pituitosi ; icterus ; chlorosis ; amenorrhœa.

Dosis : Unciæ tres, ter quaterve de die.

DECOCTUM SAPONARIÆ.

℞. Herbæ Saponariæ officinalis recentis
contusæ libram semis.

Aquæ libras octo.

Coque ad colaturam librarum quatuor.

Usus : Syphilis? scrophula; blennorrhagia.

Dosis : Libræ duæ — quatuor de die.

DECOCTUM SARSAPARILLÆ.

℞. Radicis Smilax-Sarsaparillæ minutim
concisæ uncias tres — quatuor.

Aquæ bullientis libras quatuor.

Digere per quadrihorium; dein effuso
liquore probe contunde radicem in mortario,
eique denuo adjice eundem liquorem; ma-
cera per septem horas, postea coque ad li-
bras duas, et fortiter exprimendo cola.

Interdum cum successu additur

Carbonatis sodæ drachma una.

Usus : Morbi syphilitici et rheumatici re-
belles.

Dosis : Libra semis, ter quaterve de die.

DECOCTUM SARSAPARILLÆ
COMPOSITUM.

℞. Radicis Smilax-Sarsaparillæ uncias sex.
Corticis Radicis Laurus-Sassafras,
Rasuræ ligni Guajaci officinalis ana un-
ciam unam.

Aquæ libras decem.

Concisa et contusa macera leni calore
per sex horas; dein coque ad libras quinque.
Sub finem coctionis adde

Radicis Glycyrrhizæ glabræ unciam
unam.

Corticis radice Daphne-Mezerei drach-
mas tres.

Cola.

DECOCTUM SARSAPARILLÆ
CONCENTRATUM.

℞. Radicis Smilax-Sarsaparillæ concisæ
uncias triginta.

Aquæ fervidæ libras viginti quatuor.

Infunde per 24 horas; dein coque ad
colaturam librarum octo. Repete eandem
operationem bis cum magmate, effundendo

liquorem singula vice. Miscere libras viginti
quatuor decocti sic parati, eique adde

Florum Boraginis officinalis,
Petalorum Rosæ albæ,
Foliorum Cassiæ-Sennæ,
Seminum Pimpinella-Anisi ana uncias
duas.

Coque ad libras duodecim, et cola.

Usus pro parando Syrupo Sarsaparillæ com-
posito, vulgo *Sirap de CUISINIER* dicto.

NB. Si Arundo-phragmites cum æquali
portione Sarsaparillæ eodem modo deco-
quitur, obtinetur *Decoctum Arundo-Phrag-*
mitis compositum, quod ad parandum sy-
rupum similem, vulgo *Roob antisypiliti-*
cum dictum, inservit.

DECOCTUM SIMARUBÆ.

℞. Corticis Radicis Quassia-Simarubæ pulv.
drachmas duas ad unciam semis.

Aquæ libram unam semis.

Coque ad colaturam libræ unius.

Usus : Diarrhœa aut dysenteria chronica;
dialeipyriæ; dyspepsia.

Dosis : Uncia una omni bihorio vel trihorio ;
vel unciae quatuor ter de die.

DECOCTUM TARAXACI COMPOSITUM.

℞. Herbæ et Radicis Leontodon-Taraxaci,
Radicum Tritici repentis ana libram
unam semis.

Concisa et contusa coque in
Aque libris sex ad libras tres.

Colaturæ prelo fortiter expressæ adde
Oxymellis libram semis.

Sulfatis potassæ (vel Tartritis potassæ)
drachmas sex.

Ætheris alcoholisati guttas viginti quin-
que.

Usus : Dialeipyrae quartanae rebelles ; phys-
conia viscerum abdominalium præcipue
post dialeipyras ; icterus ; calculus vesicu-
læ felleæ.

Dosis : Libra dimidia, quater vel sexies de
die.

DECOCTUM TURIONUM PINI.

℞. Turionum Pini piceæ (vel Abietis)
concisorum uncias duas.

Aquæ libras tres.

Coque ad libras duas; dein ab igne remotis adde

Vini albi libram unam.

Digere vase clauso per diem, et cola.

Usus pro potu ordinario in scorbuto, et morbis cutis.

DECOCTUM ULMI.

℞. Corticis interioris Ulmi campestris contusi uncias quatuor.

Aquæ libras tres.

Coque ad colaturam librarum duarum.

Usus: Herpes, aliive morbi cutis.

Dosis: Libra dimidia, bis terve die cum Bolo Stibiato.

DECOCTUM VERATRI.

℞. Radicis Veratri albi pulv. unciam unam.

Aquæ libras duas.

Coque ad uncias sedecim, colaturæ adde

Alcoholis uncias duas.

Usus *præcipue externus forma lotionis:*

Tinea; psora, aliive morbi cutanei rebelles.